

# Kiom da jaroj

Vortoj kaj muziko de  
Ĵomart Amzeev

Kiom da jaroj en nia ĉielo  
lumo forestis?  
Alkutimiĝis ni al kandeloj  
kaj al majesto.  
Kiom da jaroj niaj okuloj  
vidis nenion?  
Krom nia grandega honora tabulo,  
Respondis kiu?

Kiom da jaroj la niaj dentoj  
premis la vortojn?  
Regis en nia mondo silento,  
laŭtaj raportoj.  
Kiom da jaroj kantas ni kantojn  
laŭ kalendaro?  
Kaj sen respondoj estos demandoj  
kiom da jaroj?

Niaj gepatroj ne povas respondi  
kiom da jaroj  
necesas por ni por purigi la mondon  
de iliaj eraroj.  
Kaj mi ne vidis multon hieraŭ,  
sed jam hodiaŭ  
devas respondon mi mem trovi veran  
sufloros neniu!